

11
Pra. 14. num. 9. 26

1767, 1.
PERANTIQUAE ELECTORALIS ACADEMIAE
ERFVRTENSIS

R E C T O R

MODO ORDINIS IVRECONSVLTORVM DECANVS

D. RVDOLPH. CHRIST.
HENNE, ICTVS

P 444
EMINENTISSIMI PRINCIPIS ELECTORIS MOGVNTINI CONSI-
LIARIVS REGIMINIS, ORDINIS ICTORVM ET IVDICII
ELECTORALIS PROVINCIALIS ADSESSOR, NEC
NON CODICIS ET IVRIS FEVDALIS PRO-
FESSOR PVBLICVS ORDINARIVS,

SOLEMNIA INAVGVRALIA

NOBILISSIMI ET CLARISSIMI IVRIVM CANDIDATI

DN. CHRISTIANI FRIDERICI GERMANN

HAMBVRGENSIS.

AD DIEM X. SEPTEMBR. MDCLXXII.

IN AVDITORIO IVRIDICO COLLEGII ANSELMINI
PERAGENDA

INDICIT,

SIMVLQVE DE

IVRAMENTI DELATIONE

IN OMNI PARTE IVDICII LICITA

QVAEDAM PRAEFATVR.

ERFORDIAE, LITERIS HENR. RVD. DNNII, ACAD. TYPOGR.





§. I.

Omnem in foro litigantium fortunam, spem, & totius litigii eventum, a probatione ab illis suscipienda, quam maxime dependere, eo certius est, quo magis constat, quod mediis probationis deficientibus ipsa etiam causa cadant, vti ipsis iustitia illius patrocinetur, & hoc modo sub iusto succumbere debeant clypeo, dum illis non deest ius, sed probatio illius, iudex enim non ex priuata scientia, sed secundum acta & probata sententiam ferre, illamque ad normam eorum, quae in actis publicis continentur, accommodare tenetur.

§. II.

Quia vero probationum vis variis est obnoxia difficultatibus, ita, vt iis superandis sapissime partes litigantes impares sint, hinc

diuersa a legibus prodita sunt subsidia, quibus hisce molestiis obex poni, & lubricum illud, quod probationem circumdat. quodammodo euitari possit, hanc enim ob causam *idem* fauor, qui defensionibus est concessus, etiam probationibus in genere competit, vi cuius probandi via amplianda potius, quam restringenda, & probantium intentio, quouis adiuuanda est modo, teste MERVIO. a)

a) Parte 1. Decif. 51.

§. III.

Inter hæc subsidia non vltimum occupat locum, iuramenti delatio, quancouque liberit parti litiganti licita a) etiamsi nihil probauerit b) conf. CARPZOV. c) & BRUNNEMANN d) vel etiam si probare cœperit, & a probando destiterit, tempore enim probationibus destinato nondum elapso, missam facere potest speciem probationis cœptam, & variare, lex enim nostra indistincte nulla habita ratione temporis loquitur, & Edictum prætoris e) idem vult, imò etiam ius diuinum eandem fouet sententiam f) quorum omnium ratio eo collimar, vt pars litigans omnibus deficientibus probationibus, saltem metu diuini Numinis ab aduersario extorqueat veritatem

a) l. 12. pr. C. de rebus creditis.

b) l. 9. C. de reb. credit.

c) in proc. Tit. 11. Art. 1. n. 79.

d) in proc. cap. 23. n. 6.

e) l. 34 §. 6. ff. de iureiur.

f) Exod. cap. 2. v. 10. 11.

§. IV.

Obstare quidem huic sententiæ videtur, quod actore non probante, reus absolendus sit, sed quis non animaduertit, iuramenti delatio-

lationem pariter esse speciem probationis, licet subsidiaria, ita, vt exulante probatione per testes & documenta haec sibi locum vindicet? deinde opponunt, omnem litigantem debere paratum in iudicio comparere, atque aduersarium propriis probationibus conuincere a) sed negamus hoc parti aduersae suppetias ferre, cum iuramenti delatio, aduersarium testem & iudicem in propria constituat causa b) qui ob id, si iurare sine iusta causa recusat, pro confitente se malam causam habere, reputatur c) denique obiciunt, actorem vel reum nihil probantem quaecumque malam causam in iudicium deducere, atque vexae causa iuramentum deferre posse, sed quis est, quem fugiat, quod aduersario postulante, ille qui iuramentum detulit, prius de calumnia iurare debeat? quo ipso ansa temerarii litigii praescinditur, cum quo etiam conveniunt Statuta Hamburg. d)

a) l. 7. C. de testibus.

b) l. vlt. C. de fideicommiss.

c) l. 38. ff. de iureiur.

d) parte 1. Tit. 33. Art. 1. §. 5.

§. V.

Supra asseruimus posse actorem vel reum iuramentum deferre aduersario quodocumque libuerit, quod nunc etiam extendimus ad instantiam appellationis, si enim in prima instantia quis ob inopiam probationum succubuerit, in secunda adhuc ob beneficium legum a) iuramenti delatio locum habebit, conf. STRYCK. b)

a) l. 4. C. de appellat.

b) in introduct. ad praxin for. cap. 20. §. 2.

§. VI.

Vt ut igitur in quacumque iudicii parte in regula locum sibi

vindicer iuramenti delatio, fallit tamen hæc regula si probans in probando defecerit, hoc enim casu altera pars termino probatorio præterlapso absoluenda erit, optime docente BOEHMERO a) quapropter insignis pro probante cautela est, ut si forte sabolfecerit, testes pro ipso non deposuisse, protestetur contra publicationem attestatorum, & deferat parti aduersæ iuramentum, quo pacto non statui potest, quod in probando defecerit, conf. STRYCKIUS b)

a) Consult. & decif. tom. 3. parte 2. decif. 230.

b) in Introd. ad praxin cap. 20. §. 2.

§. VII.

Alteram exceptionem suppeditat Ius Saxonicum, ubi ante litem contestatam & guarandam præstitam iuramenti delatio fieri debet, & deinde deferens non amplius auditur, etiam si protestetur de iure suo, vel sibi facultatem iuramenti delationis reseruet, nisi post litem contestatam nouum quid emergat, super quo iuramentum deferre velit, conf. CARPZOV a)

a) in proc. Tit. II. Art. 2. n. 99. seq.

§. VIII.

Plena manu hoc argumentum profequeremur, nisi propemptici inauguralis angusti termini hoc prohiberent, & ille qui huic commentationi ansam dedit, pluribus illud in lectione, quam vocant, cursoria ad l. 12. princ. C. de rebus creditis, deducendum suscepisset, nobisque hac in re otium fecisset, cathedram enim publicam hunc in finem conscenderet,

NOBILISSIMVS AC CLARISSIMVS
DN. CHRISTIAN. FRIDERICVS GERMANN

HAMBVRGENSIS

IVRIVM CANDIDATVS DIGNISSIMVS

qui de rebus ad seipsum spectantibus, sequentia nobis retulit:

Natus sum A. R. S. Clj^o CCXXXVIII. die II. Ian. Hamburgi urbe splendidissima iuxta Albim sita & Sacri Romani Imperii Germanici libera Republica. Parentes Christianum Fridericum Germanum Inspectorem molendinorum valde meritum & Susannam Graumann, quae mihi absenti morte erepta est, natus sum. Horum charissimorum cura tenellis adhuc annis scholas triviales ad prima cognitionis humane rudimenta discenda frequentavi, postea in scholam, quae Hamburgi floret, publicam Iobanneum dictam me contuli, ubi maxime egregia informatione nobilissimi I. S. Mülleri Rectoris & amplissimi I. Mülleri Convectoris nec non praclarissimi I. I. Volkmanni Subvectoris praecipue usus sum, ad ingredienda & perficienda studia, quae ad humanitatem pertinent, & quamvis nomina aliorum doctissimorum praceptorum, nunc inter caelites agentium laude dignissima silentio praeteream, tamen eorum merita non ignoro. Ad altiora studia preparatus Gymnasium nostrum illustre adii, ubi in logicis, & metaphysicis, instructione praenobilissimi M. I. V. Noltingii Log. Metaph. & Eloqu. PP., in mathematicis & physicis institutione praenobilissimi & amplissimi I. G. Bischoffii Math. PP. & in moralibus & historia Iuris doctrina longe celeberrimi I. Wunderlichii I. V. D. & Mor. PP. per biennium fruius sum.

Quibus litteris elegantioribus instructus anno Clj^o CCLXIII. tenam me contuli, ubi a viro Praenobilissimo atque Magnifico C. F. Polzio. Log. & Metaph. PP. tunc temporis fasces academia tenente, die IX. Maii in numerum civium academicorum sum receptus. Ex quo tempore professorum praelectiones per triennium & quod excurrit sedulo, ut fas est, frequentavi. Absque grato animo hic memoriam non possum deponere praceptorum meorum, virorum Illustrium Excellentissimorum & Consultissimorum & quidem Illustris I. A. Hellfeldii, qui me Pandectas & Ius Feudale solide docuit, Illustris I. E. Schmidii, qui in historia uniuersali, Sacri Romani Imperii & in peritia rerum civilium (Statistic) nec non in iure Publico me instruxit, praenobilissimi I. E. B. Wiedeburgii qui me Matheſin applicatam edocuit, Consultissimi C. F. Walcbii, qui me in iure Cambiali erudiniit, Consultissimi I. L. Schmidii, qui me Institutiones iuris civilis, Iurisprudentiam Struuianum Romano Germanicam forensem, Ius Germanicum, & doctrinam de actionibus diligenter perdocuit, amplissimi Consultii

sultiffimique S. Rauii qui in Iure natura, Iure Criminali, Canonico, atque arte disputandi me instituit, pranobiliffimi I. G. Mülleri qui rem heraldicam, diplomaticam, & numismaticam diligenter mihi tradidit, celeberrimi C. A. Tittelii, qui in Institutionibus iuris ciuilibus me erudiuit, & Consultiffimi, longeque celeberrimi Sonnenschmidtii, qui in processu iudiciali collegio elaboratorio-practico & relatorio me adiunxit.

Cum igitur Candidatus noster praestantiffimus, tempus vitae academicae destinatum optime collocauerit, perantiquam nostram adit Hieranam, & literis ad ordinem nostrum exaratis, se consequendorum summorum Iurisperdentiae honorum causa, ad specimina inauguralia admitti uelle, ea qua decet modestia, significauit, cui honesto desiderio locum dare nulli dubitauimus, admissus ad haec specimina, textus iuris ipsi praescriptos probe interpretatus est, & in examine, quod a rigore nomen trahit, quaestiones propositas & legum difficultates optime dissoluit, ita, ut illum iis quos perit honoribus, omnino dignum iudicauerimus. Publica proinde solum restant specimina, quibus expediendis dies X. Sept. destinata est, qua in l. 12. princ. C. de rebus creditis publicas habebit recitationes, iisdemque finitis, inaugurali suam Dissertationem de

**TESTAMENTO PVBLICO PER REPETITIONEM
AB ACTIS VEL SCRINIIS PRINCIPIS RVPTO**

me praeside, contra dissentientium obiectiones defendit. Ad quam panegyrici debito splendore condecorandam, Reuerendissimus & Perillustrius Academiae nostrae DN. Procancellarius, singulorum ordinum spectabiliffimi Decani, venerabiles Seniores, & reliqui proceres unicum ciuibus Academicis, ea qua decet submissione & obseruantia inuitantur & roganur. Publ. sub Sigillo Facultatis Iuridicae d. 6. Sept. MDCCLXVII.

(L. S.)

ERFUERT, Diss., 1767/67

SS.


ULB Halle
004 995 333

3



VD 18





Pra. 14. num. 9. 26

1767, 1.
PERANTIQUAE ELECTORALIS ACADEMIAE
ERFVRTENSIS
R E C T O R
MODO ORDINIS IVRECONSVLTORVM DECANVS
**D. RVDOLPH. CHRIST.
HENNE, ICTVS**

EMINENTISSIMI PRINCIPIS ELECTORIS MOGVNTINI CONSI-
LIARIVS REGIMINIS, ORDINIS ICTORVM ET IVDICII
ELECTORALIS PROVINCIALIS ADSESSOR, NEC
NON CODICIS ET IVRIS FEVDALIS PRO-
FESSOR PVBLICVS ORDINARIVS,
SOLEMNIA INAVGVRALIA
NOBILISSIMI ET CLARISSIMI IVRIVM CANDIDATI
DN. CHRISTIANI FRIDERICI GERMANN

HAMBVRGENSIS.

AD DIEM X. SEPTEMBR. MDCCCLXVII.

IN AVDITORIO IVRIDICO COLLEGII ANSELMINI
PERAGENDA

INDICIT,

SIMVLQVE DE

IVRAMENTI DELATIONE

IN OMNI PARTE IVDICII LICITA

QVAEDAM PRAEFATVR.

ERFORDIAE, LITERIS HENR. RVD. DONNII, ACAD. TYPOGR.

